

*Cyngor Tref Llandeilo Fawr*  
*Llandeilo Fawr Town Council*



**Cofnodion o Gyfarfod o Gyngor Llawn Cyngor Tref Llandeilo a gynhaliwyd yn Siambr y Cyngor, Swyddfeydd y Cyngor, Heol Cilgant, Llandeilo am 7.30 p.m. ar ddydd Mercher, 23ain Tachwedd 2005**

**Presennol:** Y Maer Colin Jenkins  
Cyng Charlotte Leadbeater  
Cyng Ros Bellamy  
Cyng Ieuan Gwyn  
Mr. Des Davies (Swyddog Technegol)

Dirprwy Faer Hugh Towns  
Cyng Roy Davies  
Cyng Pam Steane Price  
Mr. Christopher Plummer (Swyddog Ariannol)  
Mr. Roger Phillips (Clerc y Dref)

**Yn Mynychu :** Cynghorydd Sir Ieuan Jones

**Ymddiheuriadau:** Cyng Richard Wallace; Cyng Paul Faulkner.

**Materion yr Heddlu:** Derbyniwyd adroddiad ysgrifenedig gan y Rhingyll Neil Jones a ddarllenwyd gan y Maer. Adroddodd fod yna gyfres o fân ddigwyddiadau o fandaliaeth wedi digwydd. O ganlyniad i hyn mae chwech o lanciau lleol wedi'u harestio. Fe fydd rhai ohonynt o bosib yn cael eu cyhuddo yn dilyn archwiliadau pellach. Fe fydd yr Arolygydd Tony Ward yn annerch yng nghyfarfod mis Ionawr o'r Cyngor. Roedd y Cynghorydd Sir Ieuan Jones yn pryderi am adroddiadau a adroddodd wrtho gan drigolion lleol am aflonyddwch mewn lle gwerthu bwyd yn hwyr y nos. Fe fydd y pryderon hyn yn cael eu mynegi i Ringyll Jones.

**6651 /Tachwedd /05 Cofnodion Blaenorol**

Cymeradwywyd Cofnodion o'r cyfarfod Llawn a gynhaliwyd yn Siambr y Cyngor, Swyddfeydd y Cyngor ar ddydd Mercher 28ain Medi fel cofnod cywir ynghyd â'r diwygiad canlynol :

*Cofnod 6634 – ychwanegu fod y Cyng. Pam Steane Price wedi cyflwyno adroddiad llawn i'r Cyngor. Cytunwyd y dylid rhoi hwn ynghlwm wrth y cofnodion er mwyn eu dosbarthu. Cynigiwyd gan y Cyng Ros Bellamy ac eiliwyd gan y Cyng Pam Steane Price. Pawb o blaid.*

Darllenwyd Cofnodion y Pwyllgor Cynllunio a Dibenion Cyffredinol a gynhaliwyd yn y Neuadd Sirol ar ddydd Mercher 12fed Hydref a chymeradwywyd yr argymhellion ynghyd â'r diwygiad canlynol

*Cofnod 6636 – Parthed cais cynllunio E/11321 ychwanegu bod gwrthwynebiadau wedi'u derbyn oddi wrth drigolion lleol ac y bydd y rhain yn cael eu hanfon ymlaen ynghyd â sylwadau'r Cyngor*

*Wnaeth y Cyng Hugh Towns adael y cyfarfod tra bod yr eitem hon yn cael ei thrafod.*

Cynigiwyd gan y Cyng. Fran Murphy ac eiliwyd gan y Cyng Ros Bellamy. Pawb o blaid.

Darllenwyd a chymeradwywyd Cofnodion o'r Pwyllgor Cyllid a gynhaliwyd yn y Neuadd Sirol ar ddydd Mercher 12fed Hydref ynghyd â'r diwygiad canlynol :

*Cofnod ychwanegu at yr anfoneb i dalu am rent y Swyddfa £155.86*

Cynigiwyd gan y Cyng Hugh Towns ac eiliwyd gan y Cyng Pam Steane Price. Pawb o blaid.

**6652 / Tachwedd/ 05 Materion yn Codi o gofnodion blaenorol**

Parthed :- Hysbysfwrdd. ( Cofnod 6596 ) Mae yna hysbysfwrdd newydd yn ei le. Mae wedi'i osod mewn lle arall, i wal allanol y bloc toiledau wrth gefn y maes parcio.

#### **6653 / Tachwedd/ 05 Mater Cynllunio**

Wnaeth y Cyng Hugh Towns adael y cyfarfod ar gyfer yr eitem hon.

Parthed:- Cais am gynllunio amlinellol am oddeutu 45 o aneddiadau ar dir wrth ymyl Fferm Glynceirch ar amgaeadau 8100 & 8791.

1. Penderfynwyd y dylid gofyn i'r Awdurdod am gyfarfod gyda'i Dîm Cynllunio cyn gwneud sylwadau ar y cais.
2. I ofyn i'r datblygwr am gyfarfod safle ar ddydd Sadwrn, Rhagfyr 3ydd
3. Dyma amser priodol i drafod ymhellach gyda'r Adran Gynllunio y ddogfen ar ddatblygiadau'r dyfodol o fewn i'r Dref.
4. Y Clerc i anfon llythyrau at Mr Kevin Phillips a Mr Eifion Bowen o Adran Gynllunio CSC. Cynigiwyd gan y Cyng Roy Davies ac eiliwyd gan y Cyng Charlotte Leadbeater. Pawb o blaid.

#### **6654 / Tachwedd/ 05 Materion Ariannol**

Adroddodd y Swyddog Ariannol fod yr ymholiad a godwyd gan yr Archwiliwr Allanol wedi'i ddatrys gyda'r esboniad bod swm o £1970 mewn TAW wedi'i dderbyn yn ystod y Flwyddyn 2004-5 .

#### **6655 / Tachwedd/ 05 Adroddiad y Maer**

Cafwyd adroddiad gan y Maer, Cyng.Colin Jenkins, o'r holl gyfarfodydd a digwyddiadau y mae wedi'u mynychu ar ran y cyngor.

#### **6656 / Tachwedd/ 05 Prosiect Llwybr Treftadaeth y Dref**

Cyflwynodd y gweithgor ddau benderfyniad i'r Cyngor

**I gymeradwyo cynlluniau ar gyfer Llwybr Treftadaeth y Dref fel ag yr argymhellwyd gan y gweithgor**

Cynigiwyd gan y Cyng Ros Bellamy ac eiliwyd y cynnig gan y Cyng Ieuan Gwyn. Pawb o blaid.

Diolchodd y Cyng Colin Jenkins i'r gweithgor am ei holl waith caled.

**I benderfynu ar y tendrau ar gyfer Llwybr Treftadaeth y Dref ac i awdurdodi dyfarnu'r cytundebau, ar yr amod fod y cais am grant yn llwyddiannus.**

Wnaeth y Cyng Fran Murphy adael y cyfarfod tra bod yr eitem yn cael ei thrafod.

Fe fyddai'r Cyngor yn gyfrifol am £7000 o'r arian cyfatebol yn hytrach na'r swm o £6000 a grybwyllwyd yn wreiddiol. Mae'r Cyng Roy Davies a Cyng Pam Steane Price wedi cynnal cyfarfodydd gyda'r cwmnïau sydd wedi cyflwyno tendrau.

Y tendrau a dderbyniwyd :-

Cambria - £ 27660

Trysor - £ 29476

Simon Jones - £27790

Cynigiwyd gan y Cyng Hugh Towns bod y Cyngor yn derbyn y tendr a gyflwynwyd gan Ymddiriedolaeth Archaeolegol Cambria ac eiliwyd hyn gan y Cyng Ieuan Gwyn. Pawb o blaid. Cyng Ros Bellamy i hysbysu'r Clerc ynglŷn â llythyron sydd i'w hanfon at y cwmnïau nad oedd yn llwyddiannus yn diolch iddynt am eu ceisiadau.

Mae'r amserlen gwariant y grant i'w gwblhau erbyn Mawrth 31ain 2006. Mae'r Cyng Roy Davies wedi ymchwilio i gywirdeb hanesyddol y placiau.

#### **6657 / Tachwedd/ 05 – Prosiect yr Ardd**

Adroddodd y Cyng Pam Steane Price ei bod wedi cwrdd â'r Cyng Fran Murphy ar yr 11eg Tachwedd.

Mae'r fynedfa wedi gwella wrth gwblhau'r gwaith ar y grisiau isaf, gwaith a wnaed gan Mr Hugh Gwynne ar ran y Cyngor. Cyflwynodd y Cyng Steane Price adroddiad ysgrifenedig i'w ddsbarthu.

#### **6658 / Tachwedd/ 05 – Prosiect Neuadd y Sir**

Mae'r Cyng Ieuan Gwyn a'r Maer, Cyng Colin Jenkins i gwrdd gyda Mr Gwilym Hughes o Ymddiriedolaeth Cambria gyda'r bwriad o gyflymu'r broses o arwyddo'r les newydd. Darllenwyd llythyr oddi wrth yr Ymddiriedolaeth yn gofyn i'r Cyngor ildio'r cynnydd o 12.5% mewn rent hyd nes fod yr ystafell archif ar gael i'r Ymddiriedolaeth. Cynigiwyd gan y Cyng Ieuan Gwyn eu bod yn cytuno i'r cais hwn. Eiliwyd y cynnig gan y Cyng Hugh Towns. Pawb o blaid.

Gofynnwyd i'r Clerc barhau gyda'r trefniant ar gyfer llinell ffôn i'r swyddfa newydd a gofynnwyd i'r Swyddog Technegol chwilio am ddyfynbrisiau ar gyfer newid y system larwm. Cynigiwyd gan y Cyng Hugh Towns ac eiliwyd gan y Cyng Ros Bellamy. Roedd pawb o blaid.

#### **6659 / Tachwedd/ 05 Y Goleuadau Nadolig.**

Y Maer i siarad â'r Ficer parthed blwch trydan sydd ei angen ar gyfer y Goeden Nadolig. Rhaid gofyn am ganiatâd i'w osod ar dir yr Eglwys

#### **6660/ Tachwedd/ 05 Gohebiaeth.**

1. Llythyr oddi wrth D.Richard Evans o CSC mewn perthynas ag eitemau a gedwir ar ran y Cyngor. Y Clerc i chwilio am ddyfynbrisiau addas oddi wrth Peter Llewellyn/ Konica ar gyfer Llungopiwr newydd y byddai CSC yn talu amdano.
2. Llythyr oddi wrth Ms Angie Davies yn cynnig ei gwasanaeth fel clercofnodion. Y Clerc i ateb trwy nodi nad oes swydd o'r fath yn wag ar hyn o bryd.
3. Llythyr o ddiolch oddi wrth Mr Geraint Price am yr help a roddwyd gan y Cynghorwyr yn ystod yr Arddangosfa Tân Gwyllt.
4. Llythyr oddi wrth Caroline Ferguson mewn perthynas â llwybr troed Ysgubor Abad yn hysbysu'r Cyngor fod y rheiliau anniogel yn eiddo i'r perchennog. Roedd yn barod i gwrdd â'r perchennog. Y Swyddog Technegol i wneud ymholiadau pellach. Awgrymodd y Maer y dylai'r daith gerdded flynyddol ar Ddydd Calan sy'n mynd ar hyd llwybrau troed fod ar hyd y llwybr hwn er mwyn i'r holl aelodau fod yn ymwybodol o'r sefyllfa. Fe fydd y daith yn dechrau ym maes parcio yr orsaf reilffordd am 11a.m. Mae croeso i unrhyw aelod o'r cyhoedd ymuno yn y daith. Cynigiwyd gan y Cyng Pam Steane Price y dylai'r eitem hon o newyddion gael ei gosod ar wefan y Dref. Eiliwyd y cynnig gan y Cyng Ros Bellamy.
5. Llythyr oddi wrth Mr Eifion Bowen yn hysbysu'r aelodau fod y dyddiad ar gyfer y seminar gynllunio wedi newid o'r 10fed Ionawr i'r 17eg Ionawr 2006.

**CYNIGIWDYD ATAL RHEOL SEFYDLOG RHIF 6 GAN Y CYNG ROS BELLAMY AC EILIWYD GAN Y CYNG HUGH TOWNS ER MWYN DOD A'R CYFARFOD I DERFYN**

## **6661 / Tachwedd / 05 Materion Ariannol a godwyd mewn Gwerthusiadau Staff**

Cyflwynwyd adroddiad gan y Cyng Hugh Towns ar y Gwerthusiadau a wnaed ar Swyddogion y Cyngor. Cynigiodd y dylid derbyn yr adroddiad er mwyn archwilio ei argymhellion ymhellach. Eiliwyd gan y Cyng Colin Jenkins. Mae pwerau dirprwyol pwyllgorau i'w rhoi fel eitem ar yr agenda yng Nghyfarfod nesaf o'r Cyngor Llawn. Cynigiwyd gohirio'r mater tan gyfarfod mis Ionawr gan y Cyng Pam Steane Price. Eiliwyd y cynnig gan y Cyng Charlotte Leadbeater. Pawb o blaid.

Daeth y cyfarfod i ben am 9.45pm.